



MEMORANDUM BASHKËPUNIMI

ndërmjet

Shërbimit Gjeologjik Shqiptar (Sh.Gj.Sh.)

dhe

Agjencisë Kombëtare të Mjedisit (A.K.M.)

Agjencia Kombëtare e Mjedisit dhe Shërbimi Gjeologjik Shqiptar, në vijim, “Palët”, duke konsideruar si objektiv kryesor rritjen e bashkëpunimit të ndërsjellët ndërmjet dy institucioneve në fusha me interesa të përbashkëta mjedisore dhe realizimin e kontratave të monitorimit, duke u bazuar në:

1. Ligjin, Nr.10431, datë 09.06.2011 “Për mbrojtjen e Mjedisit” dhe Vendimit të Këshillit të Ministrave Nr. 568 datë 17.07.2019 “Për krijimin, mënyrën e organizimit dhe funksionimit të Agjencisë Kombëtare të Mjedisit” si dhe Urdhrit të Kryeministrit Nr. 23, datë 03.02.2020 “Për Miratimin e Strukturës dhe të Organikës së Agjencisë Kombëtare të Mjedisit”
2. Ligjin, Nr. 111/2015, datë 15.10.2015, “Për Shërbimin Gjeologjik Shqiptar”;
3. VKM Nr.1189, datë 18.11.2009 “Për rregullat dhe procedurat për hartimin dhe Zbatimin e Programit Kombëtar të Monitorimit të Mjedisit”, kapitulli III “Zbatimi i Programit Kombëtar të Monitorimit të Mjedisit nga organet qendrore dhe institucionet monitoruese”, Pika 5 “Ministria e Ekonomisë, Tregtisë dhe Energjetikës, nëpërmjet Shërbimit Gjeologjik Shqiptar, monitoron pikat B 1-ç; B4.3-a, b, c, ç, d, dh, e; C4-a, b, c; C5-a, b, ç; C6-e; e Ç11”;
4. Në mbështetje të Rregullores “Për Funksionimin e Shërbimit Gjeologjik Shqiptar”, të miratuar me Urdhër Nr. 88, datë 22.02.2016, nga Ministri i Energjisë dhe Industrisë.

Shërbimi Gjeologjik Shqiptar dhe Agjencia Kombëtare e Mjedisit

Kanë rënë dakord të lidhin këtë “Memorandum Bashkëpunimi” me përmbajtje si më poshtë vijon:



Neni 1

Qëllimi i Memorandumit

Qëllimi i këtij Memorandumi është rritja e bashkëpunimit të ndërsjellë ndërmjet dy institucioneve në fusha me interesa të përbashkëta mjedisore.

Neni 2

Fushat e bashkëpunimit

1. Fushat e dakordesuara të bashkëpunimit përfshijnë ujërat nëntokësore, zonën bregdetare dhe pranëdetare, dhe çdo fushë tjetër të përfshirë brenda fushës së ekspertizës së dy institucioneve
2. Bashkëpunimi sipas këtij Memorandumi realizohet nëpërmjet:
 - a) Shkëmbimit të informacionit dhe publikimeve nga secila palë;
 - b) Bashkëpunimit në projekte kombëtare dhe ndërkombëtare me interes të dyanshëm;
 - c) Lidhjes së kontratave të shërbimit mes Palëve për monitorimet në mjedis si detyrim ligjor i dyanshëm;
 - d) Pjesëmarrjes së përbashkët në seminare, workshope, trainime apo aktivitete me interes të përbashkët;
 - e) Njoftimi dhe informimi midis palëve për aplikime me interes të përbashkët, por edhe për sejcilen palë.

Neni 3

Roli dhe përgjegjësitë e Palëve

Shërbimi Gjeologjik Shqiptar është përgjegjës për:

1. Zbatimin e VKM Nr.1189, datë 18.11.2009 "Për rregullat dhe procedurat për hartimin dhe Zbatimin e Programit Kombëtar të Monitorimit të Mjedisit", kapitulli III "Zbatimi i Programit Kombëtar të Monitorimit të Mjedisit nga organet qendrore dhe institucionet monitoruese", Pika 5 "Ministria e Ekonomisë, Tregtisë dhe Energjetikës, nëpërmjet Shërbimit Gjeologjik Shqiptar, monitoron pikat B 1-ç; B4.3-a, b, c, ç, d, dh, e; C4-a, b, c; C5-a, b, ç; C6-e; e Ç11" në varësi të financimit prej AKM;
2. Përcaktimin e kushteve teknike të stacioneve të monitorimit, propozimin për shtimin ose pakësimin e tyre;
3. Propozimin për përcaktimin e parametrevë mjedisore që do të analizohen, shtimin/pakësimin apo ndryshimin e tyre sipas fushës së ekspertizës;
4. Propozimin për përcaktimin e frekuencës dhe dendurisë së monitorimit;
5. Vënien në dispozicion të të dhënave të monitorimit AKM-së;

Agjencia Kombëtare e Mjedisit është përgjegjëse për:

Zbatimin e VKM Nr.1189, datë 18.11.2009 "Për rregullat dhe procedurat për hartimin dhe Zbatimin e Programit Kombëtar të Monitorimit të Mjedisit";

2. Përcaktimin e pikave apo stacioneve që do të monitorohen;
3. Përcaktimin e parametrave mjedisore që do të analizohen
4. Përcaktimin e frekuencës dhe dendurisë së monitorimit;
5. Financimin e monitorimeve sipas VKM Nr.1189, datë 18.11.2009 "Për rregullat dhe procedurat për hartimin dhe Zbatimin e Programit Kombëtar të Monitorimit të Mjedisit";
6. Financimin e çdo projekti apo initiative të iniciuar nga A.K.M. bazuar në aktet ligjore e nënligjore në fuqi.

Palët bien dakord që rezultatet e kërkimeve, i gjithë informacioni i rëndësishëm dhe njohuritë e fituara prej projekteve të përbashkëta do të shpërndahen e publikohen ose do të mbahen konfidenciale në përputhje me termat specifike të caktuara nga të dyja palët për projekte të veçanta. Kjo mënyrë veprimi dhe mbrojtja e pronësisë intelektuale duhet të jenë në përputhje me legjislacionin Shqiptar, në fuqi.

Neni 4

Gjuha e komunikimit

Gjuha e komunikimit dhe shkëmbimit të informacionit është gjuha shqipe.

Neni 5

Komunikimi mes palëve

1. Palët angazhohen të mbajnë komunikim të vazhdueshëm ndërmjet tyre dhe të shkëmbejnë çdo informacion të nevojshëm për përmbushjen e detyrave të tyre, sipas kushteve të paracaktuara. Komunikimi do të kryhet në formë shkresore ose në rrugë elektronike;
2. Shkëmbimi i informacioneve do të bëhet në zbatim të akteve ligjore e nënligjore në fuqi.

Neni 6

Burimet e Financimit

1. Në rast bashkëpunimi në projekte kombëtare ose ndërkombëtare financimi do të bëhet nga financuesi apo drejtuesi i projektit, ku secila palë merr përgjegjësitë dhe angazhimet e veta me shkrim. Palët mund të aplikojnë sëbashku në këto raste edhe si një palë e vetme.
2. Në rast kontrate shërbimi për monitorime të parametrave mjedisore financimi i tyre do të bëhet nga AKM, ndërsa ShGjSH do të vendos në dispozicion të kontratave burime njerëzore (specialistë të fushës, etj), infrastrukturën që disponon si Labororë dhe logjistike, por të gjitha kostot do të perballojë pala që inicion ose kërkon shërbim apo studimin. Shërbimi Gjeologjik ka të drejtën e përdorimit të rezultateve pa pagesë.

Neni 7

Përlllogaritja e kostove



Kostot financiare që rezultojnë nga zbatimi i këtij Memorandumi i nënshtrohen legjislacionit në fuqi dhe janë brenda kufijve të shpenzimeve buxhetore që palët kanë në dispozicion.

Neni 8

Periudha e raportimit

Në rast bashkëpunimi me kontrata shërbimi periudha e raportimit përcaktohet nga AKM në dakortësi me SHGJSH brenda vitit ushtrimor buxhetor ose në përfundim të Kontratave respektive.

Neni 9

Vlerësimi i zbatimit të Memorandumit

1. Palët marrin përsipër të vlerësojnë bashkërisht funksionimin e bashkëpunimit në mbështetje të Memorandumit nëpërmjet hartimit dhe paraqitjes së raporteve periodike pranë titullarëve të Palëve.
2. Raporti periodik përmban, krahas të dhënave për mënyrën e zbatimit të Memorandumit, edhe rekomandimet konkrete për adresimin e problematikave të evidentuara.

Neni 10

Ndryshimi i Memorandumit

Ky Memorandum mund të ndryshojë vetëm me marrëveshje të palëve nëpërmjet shkëmbimit të komunikimit me shkrim.

Neni 11

Përfundimi i Memorandumit

1. Memorandumi lidhet pa afat, por mund të përfundojë në çdo kohë me kërkesën me shkrim të secilës palë 30 dite përpara përfundimit.
2. Deri në përfundim të këtij Memorandumi, palët i përmbahen kushteve që rrjedhin nga ky Memorandum, për sa i përket informacionit, shërbimeve të ofruara dhe dokumentacionit të shkëmbyer përpara datës së përfundimit.
3. Pavarësisht përfundimit të Memorandumit kontratat e nënshkruara zbatohen deri në përfundimin e tyre.

Neni 12

Zgjidhja e mosmarrëveshjeve

Çdo mosmarrëveshje lidhur me interpretimin ose zbatimin e këtij Memorandumi do të zgjidhet me mirëkuptim mes Palëve, kur nuk zgjidhen me mirëkuptim, palët kanë të drejtë të ndjekin rrugën gjyqësore.

Neni 13

Hyrja në fuqi



1. Palët marrin aprovimin e Ministrive përkatëse për këtë Memorandum;
 2. Memorandumi hyn në fuqi ditën e nënshkrimit të tij dhe publikohet nga Palëve;
- Memorandumi përgatitet dhe nënshkruhet në 4 (katër) kopje origjinale, 2 (dy) kopje depozitohen në Shërbimin Gjeologjik Shqiptar, 2 (dy) kopje depozitohen në Agjencinë Kombëtare të Mjedisit.

Ky Memorandum nënshkruhet sot në Tiranë, me datë 30/05/2022.

PËR

SHËRBIMIN GJEOLGJIK SHQIPTAR

DREJTORI I PËRGJITHSHËM

VIKTOR DODA



PËR

**AGJENCINË KOMBËTARE TË
MJEDISIT**

DREJTORI I PËRGJITHSHËM

ARTA DOLLANI

